



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

CCCLXXIX. Die Stadt Frankfrut verschreibt der Universität und dem Domherren Johann Welsholz eine Schuld, am 16. Februar 1506.

Nutzungsbedingungen

[urn:nbn:de:hbz:466:1-55756](https://nbn-resolving.org/urn:nbn:de:hbz:466:1-55756)

CCCLXXIX. Die Stadt Franckfurt verschreibt der Universitat und dem Domherren Johann Welsholz eine Schuld, am 16. Februar 1506.

Wir borgermeister vnd Ratman der Stat Franckfort an der oder, bekennen vnd thun kund offentlich mit disem vnsem brieffe vor vns vnd vnfre nachkomende borger vnd Ratman gedachter Stad Franckford, das wir den wirdigen, achtbaren vnd hochgelarten hern rector, magistris vnd doctoribus der loblichen vniuersitet zu Franckfurt VI . . gulden merkischer muntze vnd landeswerunge, jo XXXII groschen vor I gulden zu rechn, darzu dem wirdigen hern Johansen welsdorffer, Thumhern zu forstenwald, funffzig gulden, ghorende zu dem altar in der pfarkirchn sancti Tome zu franckfurt, auch der gemeynen stat franckfurt hundert gulden obingeschriebener muntze vnd landeswerung schuldig sein, welche summe, nemlich VI^c gulden landeswerung die gedachten vnfre glawbiger vns zur genuge vnd wol zu dancke bezalet vnd vorgnuet haben, die wir forder in vnser stat mercklichn nutz vnd frome gewendet vnd gekeret, derhalben wir die vorgeschribn hern vnsem glawbigern solcher summe quid, ledig vnde loslagen. Vor solche summe, nemlich VI^c gulden hoptstule, haben wir borgermeister vnd Ratman oftgmelter Stat den vorbestympten wirdigen vnd hochglartn hern Rector, doctoren vnd magistrern gedachter vniuersitet, auch Johansen Welsdorffen, Thumhern vnd der gemeynen vnser Stad franckfort vor vns vnd vnfre nachkomen jerlich XXXVI gulden gewisser zins, jo VI gulden vom hundert, eynem jglichen nach anzale der hoptsumme, en helffte vf Trinitatis, die ander helffte vf lucie vf vnfrn gereizsten zynsen, nutzungen vnd vfhebungen zugeben vnd zu bezalen vorschriben vnd vorschreibn den obngeschribenen solche hoptgut vnd zyns in vnd mit krafft dises vnfers brieffs, vnd so wir ader vnser nachkomende borger vnd Ratman obngeschribner stat nicht lenger geben vnd haltn sunder die hoptsumme abelosen vnd abgeben wollen, sollen vnd wollen wir gdachten hern Rector, magister vnd doctorn der vniuersitet vnser stat franckfort, darzu hern Johansen Welsdorffer, auch der gemeynen vnser stat solche abelofung vf michaelis zu vnde abefagen vnd vf volgendn vnser libn frawen tag lichtmessen die hoptsumme mit den zinsen, so etwas hinderstellig vnd veressen, an eyner summe an merkischer muntze vnd landeswerung zur gnuge vnd zu danck widervmb dargebn vnd bezalen, vnd so wir oftgnanten borgermeister vnd Ratman an der zalung der hoptsumme ader zinz vf bestymbte zeit sevmig worden, sollen die wirdign heren der vniuersitet vnd andre vnfre globiger solche zins ader hoptstule mit geistlichn ader werntlichn gerichtn, womit sie wollen vnd In beqweme ist, zu manen vnd fordern macht vnd freien willen haben. Ab sie auch solcher nichtzalung kost vnd zerung aufgeben vnd schaden irliden, gereden vnd gelobn wir obngeschribn borgermeister vnd Ratman der stat franckfort vor vns vnd vnfre nachkomen, in des selben an allen iren schaden zu irhebn vnd zu benemen. Actum zu vrkund etc. jm XV^{ten} vnd VI^{ten} Jare, am Suintag Reminiscere.

Aus Teymlers Copialbuche des Stadtarchives fol. 4.